



HENRICO IIII. REGI GALLIARVM ET NAVARRÆ Christianissimo.



Importunus haud dubie,
REX CHRISTIA-
NISSIME, parumque
circumspectus, imò vero
temerarius fortasse vi-
debor, qui tuam Maiestatem hoc tem-
pore in apparando bello Aremorico
quam occupatissimam compellare ac
potius interpellare non erubescam.
Sed mihi ipse temperare non possum,
quominus eidem meas hasce quales-

*.ij.

cunque in Dioscoridem lucubrationes
offeram, cui iam multis abhinc annis
illas vovi atque consecravi. Enim uero
quando pro tua summa benignitate
me nil minus cogitantem misso etiam
sacro Regio diplomate in Medicorum
tuorum collegium cooptasti, iam tamen
eas parturiebat animus, simulque pra-
sentiebat iis non aliunde felicius lu-
cem splendorēmque affulgere posse,
quam si sub Augustae tuae Maiestatis
nomine in publicum prodirent. Etsi
enim in istis quæ mea sunt, ut quæ
sint opera leuioris, libens agnosco mi-
nimè digna esse, quæ tanti presertim
Regis nomen præferant: attamen cum
& Dijs olim suis rustici multeque
Gentes lacte supplicaret, & niola tan-
tum salsa littaret, quibus deerant thu-
ra: sic & ego cum neque mihi sit in
præ-

præsentia quicquam aliud ad manum,
vixque mea tenuit as imposterū am-
pliora polliceri posſit, malui hoc quan-
tulquoque testimonio, quam debet &
seruulus domino & subditus Regi suo,
à quo tantum etiam beneficium acce-
perit, reuerentiam quoquo modo pro-
fiteri, quām committere ut tantam
benignitatem videri possem silentio
dissimulasse. Ceterū quod ad scripta
ipsius Dioscoridis attinet, nulla, sat
ſcio, ne apud Regiam quidem Maie-
ſtatem indigent commendatione. Con-
tinent enim amplissimam stirpium a-
liarū inque id genus naturalium re-
rum ad summam hominum & utili-
tatem & honestissimam voluptatem
comparatarum historiam, que nullum
non hominum genus ad ſui cognitio-
nem per ſe mirum in modum alli-

*. iij.

ciat. Nam & permulti iam olim Prin-
cipes viri tantum ad illorum Naturæ
operum contemplationem studij adhi-
buerunt, ut Philosophis etiam ac Me-
dicis, ad quos potissimum ea pertine-
bat, minime cessisse videantur. Testa-
bantur id olim varij aliquot potentissi-
morum Regum Solomonis, Mithri-
datis, Iubæ, Attali & Euacis de Stir-
pibus commentarij, de quibus variae
loquuntur historiæ, quique temporum
iniuria non sine magno mortalium
damno ac detimento interciderunt.
Testantur id ipsum etiam nunc & non-
nullæ stirpes, uti Gentiana, Lysima-
chia, Clymenon, Telephium, Artemi-
sia & Helenium, quas Principes quon-
dam Maximos non puduit suis nomi-
nibus honestare: partim ut studij quo-
fuerant magnopere delectati posteris
fidei

fidem faceret, eosque suo etiam exemplo ad contemplanda suspiciendaque Natura miracula prouocarent, partim etiam ut sempiternam sui memoriam relinquenter, quam non dubitabant una cum plantis ipsis repullantibus atque reuirescentibus quotannis esse quasi reniecturam. Sed te quoque,
REX CHRISTIANISSIME,
confido mihi que ipse polliceor, prout es ingenio virtutum, disciplinarum scientiarumque omnium capacissimo, cum primum à granissimis illis laboribus, quibus Gallia tua salutem etiam suam velut alteri Parenti merito acceptam refert, respirare tibi Deus Opt. Max. precibus suorum perpetuis exortatus concederit, leuiora haec, animi quasi relaxandi gratia, minime aspernaturum. Ego vero summae, sicuti par

*. iiiij.

erit, fælicitatis loco ponā, si meum huic
quodammodo factum Dioscoridem in
gratiā clientelāmque tuā comiter ac
beneuole recipere Maiestas tua nō de-
dignabitur. Quod vñ superest, Deum
Opt. Max. precibus omnibus obtestari
non desinam, ut post domitos ac plane
debellatos hostes huic per te florentis-
simō Regno tuo vicinisque populis o-
mnibus optatissimam pacem, eāmque
stabilem ac firmam, tādem aliquando
largiatur: quā tum fælicissimē, tum
quā diutissimē, perpetua cum Sacra-
tiſimi nominis gloria perfruantur: ac
te interim nobis, qui fatorum tuorum
auspicia sequimur, totique Christianæ
Reip. seruet incolunē. Kal. Mart. 1598.

Tuæ Maiestati addictissimus
IAN-ANTONIVS SARA-
CENVS Lugdunæus.